

Nr. 6 (240)
Ч. 6 (240)

Lwów, czwartek dnia 16 lutego (3) 1939
Львов, четверг дня 16 лютого (3) 1939

Rok VI.
Рок VI.



Орган Лемковского Союза
ŁEMKO, organ Łemkowskiego Sojuza

Выходит в каждый четверг.

Wychodzi w każdy czwartek.

Редакция и администрация в Крыниці. — Адрес „Лемко“ Крыница.
Redakcja i administracja w Krynicy. — Adres „Łemko“ Krynica.

Скоро конец „Карпато-Украині“.

По перерві появилася знова руска газета, виходяча в Ужгороді — „Рускій Вістник“. Газета тота подає в 4-ом числі с 5. лютого 1936., же на нараді министров заграничних справ Польщі и Німеччини, отбытой дня 26. січня в Варшаві пришло до цілковитой згоди в справі жаданя Польщі относительно безпосередной територияльной границы меже Мадярщином и Польщом.

Польща своє жаданє в справі мадярско-польской границы предложила Италиі, Німеччині и Чехословакиі уж в жолтні прошлого року. Италия и Мадярщина згодили ся на тото зараз в осени, а тепер згодила ся такше Німеччина и тым самым справа вст уж рішена.

Центральна Руска Народна Рада уж по мюнхенском договорі старала ся о тото, штобы Мадярщина и Польща безпосередно с собом сусідовали. В том договорі меже 4-ома державами было сказано, же населенє має право само становити о собі и на той

основі Центральна Руска Народна Рада подала правительству Чехословакиі меморандум с 20. вересня и жаданя карпато-русского народа были повторены пару раз посланникам Німеччини, Италиі, Англіі, Франції, Польщі и Мадярщині.

Згоду Польщі и Німеччини уважат „Рускій Вістник“ за принятє жадань русского народа, в виду котрых ціла земля, населеня карпаторуским народом має бути прилучена до Мадярщини „а тым самым Мадярщина опре свои границы о землі польскы. Карпаторускій народ має достати всі тоты права, якы он уж мал о рамках Мадярщини на основі закона с 25-го грудня 1918 р. в автономной области „Руская Краина“.

„Рускій Вістник“ сподіват ся, же варшавска згода буде в недалгом часі проведена и же „карпато-украинска держава“ с о. Волошином на чолі переживат уж тепер агонию умеряючого.

Як поступат Волошин с руским народом.

Много слышит ся от украинофилов красных словечок. Словечка солодки, як мед и если бы им повірити, можна бы подумати, што всі украинофилы, то барз порядны и згодливы люде, бо они все говорят, што мы всі повинни жити в згоді, тримати ся разом, бо мы оден и тот сам народ. Красны, теплы и солодки слова, але лем слова, бо на ділі тота згода виглядат так: забудьте о том, же вы руснакы, отдайте нам всі ваши инстытуции, пристаңте на наше, то мы будеме рядити, а вы будете слухати и буде згода и любов!

Же так, а не иначе розуміют они згоду, маме того примір на Прикарпатской Руси. Коли Прага згодила ся дати Прик. Руси автономію, до першого правительства были покликаны министры так рускы як и укра-

инскы. Руске населенє Прик. Руси, помимо того, же представляло подавляюще большинство, не противило ся тому, а наоборот тішило ся же уступають партийны звады и же можна буде напярчи всі силы в напярмі економичного и просвітного поднесеня занедбаного краю и его населеня. Але недалго тревала згода, бо украинскы министры (Волошин и Ревай) не прото ввошли в члены правительства, штобы трудити ся для загального добра краю и народа, а лем прото, штобы при першой случайности позбыти ся своих товаришей-руснаков и опановати край, а погодивше росправити ся со своимы противниками и ворогами, за яких они уважають каждого руснака.

Штобы их скорше погнобити, спровадил собі Волошин по усуненю министров-русна-

ков рижных волокытов п иройдисвітов с другых краев, бо на Прик. Руси украинофилов не было и при помочи спроваджених посіпак нищил всьо, што лем пахло назвом Русь и руснак. Заполнили ся таборы интернованих як в часі світової войны, мучат ся наши рускы братя по тюрьмах и казматах. Розв'язано всі рускы товариства — закрыто всі рускы газеты.

Тота украинска „влада“ Волошина и товаришей росписала „перши парламентскы выборы до першого украинского парламента“ на 12. лютого. Панове диктаторы утворили украинске виберательне „об'єдиненє“ и отшмарили кандидатскы спискы руснаков и мадяр. Так в беззаконной, насильственной „карпато-украинской державі“ буде принимати участь в „парламентских“ выборах лем украинска група Волошина и товаришей, бо крім той групы никого до выборов не допустили.

При таком насильстві о. Волошин называт себе однак набожным христианином, а украинскы спикеры братыславской радиостанции кричат каждого дня о выборах „першого, украинского парламента“ и о том, што украинских националистов ест такый клич: „Един Бог, един украинский народ и едина украинска партия!“ Говорят они о Бозі, а гнобят, переслідуют, мучат, арештуют карпаторуских патриотов-хлопов и интеллигентов, забываючи о теплых и солодых словечках про згоду и любов, котрыма так часто украинофилы запускають пыль в очи.

Волошин не хоче воювати ани с Польщом ани с Росиом.

Волошин в розговорі с корреспондентом французской газеты „Ле Пти Паризиен“, выскзал меже иншими бздурями, же „Карпато-Украина“ не выступит николи оружно ани против Росии, ани против Польщі. Напоминает тото жабу, котра хотіла доровнати ростом волови?!

Чи дали вы уж лепту на зимову помоч для безработных?!

Пренумерата в краю:

30 грошей місячно,
80 „ „ квартално,
1.50 „ „ полрочно,
3 зл. рочно.

В Америкі: 1 дол. рочно.

В Чехословакиі:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долгом оголошені значна знижка.

Конто чекове Нр. 404.155.

Страх на „січовиков“ в Прикарпатской Руси.

Помимо всіх протестов „монсиньоре“ Волошина и Ревая правительство в Празе не уступило и ген. Прхала приехал на Прикарпатскую Русь, яко министр внутренних дел, чтобы кус приуздить разбрыканных „січовиков“ и запровадити в краю лад и порядок.

Ген. Прхалу приняли украинские круги недружелюбно и решили его зликвидовать. Коли он выходил по конференции с Волошином с заседания рады министров, стрелено до него 3 раз с револьвера. Все три стрелы хыбнули и ген. Прхала вышел с выпадку здоровый и целый. Полиция зловила напастника. Ест ним украинец Луцак.

Правительство центральное решило провирити наданы права гражданства чужинцам от р. 1918. Тото решение нагнало страху Волошину и его сторонникам.

В последних часах на Прикарпатскую Русь выехало много украинцев с Польши и все они заняли там высокие уряды, а правительство Волошина надало им права гражданства. Если теперь переведут ревизию документов тех новоспеченных „граждан“ то выйдет на яв, же достали они права гражданства беззаконно и придет ся многим украинским агитаторам и січовикам оставить „смачный хлеб“ с маслом и маслом и вернуть до давнего края, где их также привитают наложением кары за без-

правное переступление границы, бо большинство тех украинских „патриотов“, тайком и без позволения достало ся на Прикарпатскую Русь.

Страхом подулало отже на многих „січовиков“ котры мрели уж о атаманском жезле. Зимном подулало и на самого Волошина, бо ген. Прхала, яко министр внутренних дел, охолодит неоден его горячий намер. Зрештом остыли до него все, особенно по его неудалом интересе в справе вывозу дерева до Мадяры. Мадярщина хотела закупити великую партию дерева на Прикарпатскую Русь и мадарские купцы заключили уж ответные договоры с русскими фирмами. Волошин однак не згодил ся на вывоз дерева с Прикарпатской Руси, бо думал, же Мадярщина мусит дат высши цены. Тымчасом мадары закупили дерево гдеинде и теперь не хотят ани чути о купне дерева с Прикарпатской Руси. Станули через тото тартакы станул заробок при рубке и звозе дерева, стратили заробок фурманы и работники, а дерево гниет в лесах.

Так выгазовал Волошин и прото не дивота, же цiele населеле ждет, коли он перестане бавити ся в великого политика и экономиста, а зачне читати псалтыр, як пристало правдиво „набожному христианину“ и священнику.

Италия и Нимеччина заключили торговельные договоры с Советами.

Дня 7. т. м. оголошено в Риме официально висте о заключении торговельного договора италянско-советского, опертого на основах вымны.

Обороты между Италией и Советами маюют доходить до 1 миллиарда ливров. Давна умова между тьма двума державами предвиджала вымну в размерах 400 миллионов ливров, теперь увеличено обороты два и пол раза.

Россия мае продавати Италии пшеницу, суровые материалы, нефть, бензину и т. п.

В р. 1936 давны договоры торговельные между Италией и Советами были перерваны, бо при обрахунку пришло втотчас до незгоды

и от того часу Россия не достарчала Италии никаких товаров.

Одночасно газеты с Берлина доносят, же и Нимеччина заключила финансовый договор с Советами и же договор тот мае быти дополненный в коротком часе торговельным трактатом.

В политичных кругах западных держав висте тоты выкликали великое занепокоение, бо умовы тоты поясняют себе в Англии и Франции, яко початок господарской войны Нимеччины и Италии с демократичными державами.

Наближат ся конец войны в Испании.

Войска повстанчи заняли уж правые цилу Каталонию и лем в гдеяких пунктах не дошли ище до границ Франции. Население Каталонии масово переходит до Франции, где помещат ся его в приготовленных таборах. Также и правительство республиканской Испании выехало уж до Франции. Остал лем вожд червеной армии ген. Мая, котрый боронит ся ище и от него залежит, коли закончит ся страшная, братоубийственная война в Испании.

Англия начала уж переговоры с правительством ген. Франко о повороте республиканов до Испании и о отбудоу Испании, котра ест страшно знищена. Англия мала поставити условия, под якими она и Франция могли бы помоч отбудоувати Испанию. Англия жадае, чтобы правительство ген. Франко не переследовало тех, котры воввали по стороне войск республиканских и выцфало чужие войска.

Выборы в Крынице-мисте.

Дня 5. лютого отбыли ся выборы до городской рады в Крынице-Здрой. Зголошено пят лист, а то: Нр. 1. христианского господарского бльоку, Нр. 2. Польской Народовой Демократии (ендеки), Нр. 3. Польской Партии

Социалистичной (П. П. С.), Нр. 4. жиды и Нр. 5. Обозу Зедночения Народового (Озону).

Наше руске население злучило ся с безпартийным господарским бльоком, представляющим місцевы элемент, котрый на своих списках выставил в двух округах голосования по двух русских кандидатов. При выборах выбрано с листы Нр. 1 — 3 радных, Нр. 2 — 1 радного, Нр. 4 — 4-ох радных и Нр. 5 —

4-ох радных. Польская Партия Социалистичная не выбрала ани одного радного.

На листе Нр. 1. в первом округе перейшол предстатель Лемко-Союза, г-н др. Орест Гнатыхак, котрый достал наибольшее число голосов. Имя его появляло ся на картках инших лист и он достал о 60 голосов больше от других кандидатов христианского, господарского бльока в 1-ом округе.

Треба отдати признательность нашему свідому рускому населению в Крынице, котре солидарно отдало свои голоса на своего представителя и боронителя его интересов. Велика в том заслуга молодого поколения, як г-на Поляна Вороны и других.

На жаль пару наших людей дало ся забламути агитаторам П. П. С., котры в день и ночи пхали ся до русских хыж и пререкали „рай на земле“, кед лем Пепесяк ввойде до городской Рады.

Тоты забламучены, несвідомы одыниды оторвали нашему другому кандидату г-ну Грицови Пыжови около 15 голосов и тым уневозможили его выбор.

И так, через тех 3—4 баламутов, што в палюнци, безхарактерности и несвідомости втопити свою народную честь и совесть и своих сусидов газдовские интересы, пропал нам другой мандат радного в Крынице-Здрой! И чи верне ся даколи?!

СТЕФАН МАРКОВИЧ.

* * *

Вздож Карпат мой Брате
Ест мила краина.
Ей назву вы знате:
Родна Лемковина.

Родна Лемковина
Мой родимый краю.
Ты мати единая,
Другой я не знаю.

Не люблю никого,
Лем ту Лемковину,
А люблю так щиро
Як мати дітину.

Тужу я за Тобом,
Бо ту на чужині
Сам жаль стискат сердце,
Тяжко жити мені.

Бо там я родил ся,
Прожил млада літа,
А тепер запхал ся
До чужого світа.

И ту усыхаю
Як трава без воды,
Марно пропадаю,
Тужу до свободы.

Луцака засудили на кару смерти.

Украинского террориста Луцака, котрый напал на ген. Прхалу и хотіл его застрелити, засудили ческы власти на кару смерти. Луцак на суде признал ся, же стрелял до ген. Прхали на поручение отделов січовых, котрых ест членом. Луцак ест дезертером польской армии, укривающим ся на Прикарпатскую Русь.

Власти, бояли ся, же на Прикарпатскую Русь могли бы „січовики“ отбить его, постановили превезти его до Праги.

Волошин выслал до Праги протест против засужению Луцака на кару смерти, интервенция его оказала ся однак безуспешная.

По нападe на ген. Прхалу положенe самого Волошина стало ся тяжке, бо ческы власти не доверяют ему и окружили его дом ческими жандармами.

Што робити в саді в зимі.

Дерева овочевы сут в зимі нечинны и на- ходят ся в т. зв. зимовом сні. Сон той тре- ват у нас пару місяців и в том часі устає круженє соков по деревах.

Прото тыж всякы роботы, потребны при плеканю дерев найпораднійше єст тепер зро- бити.

Часто ся трафят, же не зроблено в осе- ни всього того, што было треба, можна отже того тепер зробити. Треба отже усунути с дерев, лепкы поясы, котры наклеили мы в літі на пнях дерев, штобы не вылазили на дерево безкрыльны шкодники овочевы. В зи- мі всі дерева стоять голы. Выстарчит однак приглянути ся им добре, а увиде, же ту и там сут на дереві скручены, сухы листкы, гдекда поморщены, тримаючи ся галузок овочи. Гдеякы галузкы сут як бы омотаны паутином, на інших висят красны обручкы зложены с посклеяных с собох маленьких яйчок. Всяди там зимуют шкодники, одны в виді кукол, другы в виді гусениц, инши оставляют яйчка, с котрых на весну выля- жут ся молоды овады. Всі тоты шкодники мусиме старанно позбрати и спалити. Поне- же однак дуже шкодников єст укритых в тріщинах коры, треба потріскану кору пней и грубших галузей оскребати, розкладаючи под деревами плахты, с котрых належит на- громаджены отпадкы коры спалити. Листє, яке опало с дерев, треба было ище в осени позгартати, але если кто не зробил того, повинен тепер того зробити и также палити. При садах все треба памятати о одном, же найбільшима ворогами саду сут овады, а ова- ды множат ся в листю, потрісканої корі и и смітю.

Если отже мы позгартаме листє под де- ревами, або обскребе, пені и галузи дерев с потрісканої коры, обмете паутину, стря- семе покорчены на деревах листкы и помор- щены овочи, але того всього не спалиме, то мы не нищиме шкодников а лем переносиме их до шопы, где они розвивают ся ище ліп- ше. Прото тыж при очищаню дерев треба все всі отпадкы усувати с под дерев и палити.

Штобы однак убити всі шкодники на овочевых деревах, потреба єст конечно опыр- кати дерева хемичными средствами. Приряд до опырсання дерев єст дост дорогой, бо коштує около 100 зл. и не стати на него одного ххопа. Але такой приряд повинно ку- пити ся с фондов громадских чи гминных и втотчас служит он людям цілого села. При уживаню приряду треба не забывати о том, же хемичны средства легко его нищат и то- му по каждоразовом ужитю належит пере- полукати его чистом водом. Крім того при- ряд повинно тримати в сухом місци и нате- рати омастом (оливом) трыбы и колечка.

Штобы овочи не тріскали, не розпадали ся, не мали плям и штобы кора не отпадала, належит дерева опырскати 2 процентном во- дом бордоском, котру можна дома зробити в слідуочий способ: на 25 л. воды дав ся 1 кг. негашеного вапна и мішат ся добре, штобы всьо вапно ся розпустило. До другого ведра на 25 л. воды дав ся 1 кг. сірчану міді, а коли тот ся розпустит, вливаме воду до вапенного молока. Так одержана теч не може быти за квасна. Переконуєме ся о том, мачаючи в течі куплений в аптеці паперик лякмусовый. Если он почервоніє, то треба так долго доливати вапенне молоко, аж па- перек буде синий. Вода бордоска забиват шкодники (грыбки) лем зараз по зробленю,

а по пару годинах стає ся она для грибокв нешкодлива, прото треба дерева зараз нџом опырскати. Если бы однак не можна было того зараз зробити, треба до воды бордо- кой додати на 50 л. воды 5 дкг. цукру, або 1/2 л. збераного молока, але и втотчас по 2—3 днях тратит она силу убиваня грибокв. Теч треба перед ужитєм процідити и добре вымішати, штобы складники розпустили ся, бо иначе шкода выдатков и роботы.

Бордоском водом повинно ся опырскати дерева каждой зимы в лютом, або в марті.

Крім того што другый рок треба дерева опырскати 5 проц. карболином, котру купує ся готову. Карболина нищит на деревах мох, поросты, мшицы и инши шкодники.

Опырскує ся дерева в день безсніжний и бездождевий, як ніт вітру ани морозу. Карболину перед ужитєм треба также про- цідити.

Под конец лютого и в марті сут дерева наражены ище на одну опасность. В день пригріват уж часто сильно сонце и нагріват сильно полудневу часть темного пняка и га- лузей, а в ночи приходит мороз и дерева нагло остужают ся. Послѣдствия той різкой перемены температуры сут фатальны для здо- ровя дерев. Кора присыхат, мертвіє, галузи слабнут, порохніют и ломают ся в старшом віку як под тягаром овочей.

Штобы дерева перед тым охоронити, треба в пару дней по опырсаню дерев побі- лити дерева вапном, змішаным с глином, або с коровячим гноем. Біла барва отбиват лучи сонца и части дерева, выставлены до сонца не нагрівает ся, а коли уж весна прийде на добре, втотчас дерево ціле обудит ся до нового житя.

Зима єст также тым часом, коли пере- різує ся галузкы дерев, штобы не росли за густо и не затіняли одна другой. Также в зимі отрїзує ся сухы галузкы.

Новый плян комасации грунтов.

От яасу повстаня Польской Держави дотепер скомасовано в Польщі половину грунтов. Штобы во всіх селах перевести ко- масацию, приготовлено урядовый плян ко- масации на 10 літ. В тых 10-ох роках маю- т быти всі грунты в Польщі скомасованы, при- чом на 1 рок припадат до комасации 500 тысяч гектаров.

Штобы помочи сельским господарствам перевести комасацию грунтов, Министерство Рольництва признало специальны фонды на покрыте части коштов, звязаных с переведенем комасации. Министерство покрыват 40 про- цент коштов, а селянии 60 процент, розло- женых на малы раты. До того часу Держава выдала на цілі комасации 60 миллионов зол Кошт комасации одного гектара выносит 11 до 60 злотых.

Комасация дає людям великы користи. В Познанском стоит сельске господарство барз высоко и то власне прото, же там сут всі грунты скомасованы. У нас люде зрозуміли вагу комасации и сут назагал с ней вдово- лены. Найлучшим доказом вдоволення єст факт, же пересічио на 100 господарей лем 2—3 вносит против комасации зажалєня. Але и тоты по недолгом часі годят ся с новым станом річи, бо переконуют ся, же комасация и им принесла користи,

Слова правды о „Ризниці“.

Перед пару тыжднями прислано нам допись с Самбора, в котрой автор ударил в великий дзвон тревогы, же наше торго- вельне Т-во „Ризница“ пропадат, бо там за дорога администрация, за много дыректоров, за дуже людей в склепі и т. д.

Автор дописи жадаєт и дальше настопчи- во поміщення своей дописи и звертат ся до редакции со словами різкыма, як: „то шкан- даль, што вы не хочете спасати Ризницы“, „чом не ратуєте наше Т-во“ и т. д.

Не знаме, о што розсходит ся автору ложной и очерняющей нашу торговельну инстытуцию дописи. Єст он або зле поин- формований о финансовом положеню „Риз- ницы“, або с інших незнанных нам причин хоче шкодити той поважной инстытуции, бо с билиансу „Ризницы“ за рок 1937/38 може переконати ся каждый, же єст то бодай най- сильнійше торговельне Т-во, находяче ся в рускых руках.

Не входячи в вартость маєтку „Ризницы“, а єст она также велика, бо Ризница має свой великий, поверховный, мурований дом, положеный недалеко рынку, в том домі два великы склепы, оден с литургичными товара- ми, а другый со сукном и выробами волня- ными, выстарчит подати, же „Ризница“ выка- зала в одном році (1937/38) чистого доходу 17,961 зл. 69 гр., отже чистый місячний зыск „Ризницы“ выносит около 1500 зл. Дай Бог, штобы всі наши товариства так „пропадали“, то напевно за пару літ можеме стати ся независимы экономично.

Штобы однак такой зыск осягнути, тре- ба наробити ся немало, бо самы склепы та- кого зыску дату не могут. Зыск тот завдя- чат „Ризница“ подвижной и умілої діятель- ности дырекции, а особенно г-на дыректора Ткача, котрый не жалує своих сил ани тру- да, штобы лем приспорити доходу обществу. Яко доказ выстарчит надмінити, же завдякы его росіздам по селах, „Ризница“ достає каждого року поважны роботы при отнове- ниях церквей, котры напевно впливают ко- ристно на билианс „Ризницы“.

С дописи узнали мы также, якы пенсии берут дыректоры и дивує нас, же автор до- писи называет их высокыма. Принимаючи за правдивы тоты сумы, якы подає дописователь, пенсии сут незвычайно низкы и я признаю ся, же перед прочитанєм дописи, я был певный, же „Ризница“ платит дыректорам значно больше за их уцтивый и ревный труд. Люде, котры так дбают о добро инстытуции, же она выказує близко полторы тысячи місячно- го зыску, мают право казати собі ліпше пла- тити, бо они заслугуют на того.

Прото тыж г-н. Дописователь не гнџвай- те ся, же мы не поміщаме Вашой дописи и не называйте шкандальом того, бо шкандаль містит ся в том, што Вы, жиючи на місци в Самборі, не хочете справдити фактов, а пишете глупости, якы може голосят по Сам- борі тоты, котрым Ризница вадит и єст им сольом в оку. Интенции тых людей сут нам знаны и они не чудуют нас, але чудує нас того, што Вы повірили в клевету и хочете ю публично повторяти, а тым самым шкоди- ти нашой поважной и розвивающий ся ин- стытуции.

Подумайте над тым, а сами прийдете до пересвідченя, же Ваша допись была неумістна.

Памятайте о зимовой помочи для безработных и их дітей!

Што чути в світі і в краю

Землетрясенє в Чиле. Землетрясенє, о котром писали мы уж попередного тыждня, потягнуло за собом 35.000 жертв. Єст то одно с найбільших землетрясень яки мали місце в XX-том столітю. В р. 1908 подобне землетрясенє пережила **Сыццлия** (италийський остров на Середземном морі). Втотчас згнуло 76 тисяч людей.

Міста в Чиле починають ся уж отбудовувати. В виду втрати великого числа людей могут появи́ти ся возможности емиграции до той державы.

Обовязок войсковой службы на Мадярщині. Мадярський сейм ухвалил одноголосно закон о обовязковой службі войсковой. Всі мадяры, не выключаячи и жидов подпадают приписам того закона од 12-ого до 60-ого року жия.

Мурин губернатором французской колонии. По раз перший в истории французской республики заименовано мурина губернатором одного с колонийных округов в Африці.

Тому оплатила ся братоубийственна война. Газета „Еспана“ выходяча в Тангарі доносит, же предводитель социалистичный испанский Индалечи Прието купил в Чиле великий маєток вартости пару миллионів песетов.

Югославський король выдає 20 зл. тыжднево. Молодого короля Югославии Петра выховуют в великом пошанованю труда. Король тот жие скромно и достає на власны выдатки всього лем около 20 зл. на тыждень, але позволяют ему зарабатывать гроши. Молодой король фабрыкує и продає деревяны забавкы, яки сам майструє. В той роботі выказує много талантивости. Помагат ему люблений ним товариш Костич, сын шевца.

6 министерств на місце одного. Дотеперешный комисариат тяжкого промысла в Совітах розбито на 6 новых комисариятов, а именно: топлива, електричных централь, металюргии желізной, металюргии барвной, хемии и материалов будовельных. Таким способом на місце одного министра буде их аж 6-ох.

Цыгане забили начальника Пожарной Стражи. В корчмі в Снітниці коло Грибова, в пов. горлицком урядила собі Страж Пожарна забаву с танцами. На забаву тоту спровадил нач. С. П. музыку цыганску з Устя Руского. По забаві цыгане зажадали заплаты, а коли начальник С. П. Юськевич не хотіл заплатити им сумы в жаданой высоті, шмагрило ся на него двох цыган с ножами и покололо его так сильно, же он умер. Цыгане тоты называют ся: Михал Бехеревський и Юрко Білий. Бехеровского полиция приарештовала, а другой цыган скрыл ся в лісах.

Дівчина померла от попарення. Страшну смерть мала 8-літна дівчинка с повіту мелецкого. Бавила ся она недалеко пеца со своими братами. Нагло от угля заняла ся на ней одеж и дівчинка станула в поломени. От огня попарила она собі ціле тіло так сильно, же по пару годинах страшного болю умерла.

Солтыс, оскаржений о крадеж. Винценты Длугош, солтыс с Новотанца в повіті

саноцком в часі своего урядованя, забрал с громадской касы 357 зл. 50 гр, на што выставил подложены квиты со сфальшованыма подписами. Суд в Саноці засудил Длугоша на 8 місяцов вязницы и позбавленя его прав гражданских на три roky.

ст мясо со встеклого пса. Серед сельского населеня коло Томашова Мазовецкого панує велика нужда и хлопы ідят там аж мясо собак. Пеину купуют у **гыцла** (такого, што лапат псы). В послідных днях оден тамтешный **гыцель** продал людям мясо с пса, подозрілого о бішенство. Справа выявила ся и санитарны власти поддали всіх тых, што іли того мясо, охоронному щепленю, а **гыцля** потягнуло до судовой отвѣтственности.

Файка выратовала его от смерти. Незвычайн-й випадок притрафил ся одному дідичови в Норвегии, коло міста Консберга. Выбрал ся он раз до своих великих лісов, штобы оглянути лісову господарку. В лісі надыбал стару шедведиху с двома молодыма медведиками.

Медведиха, на вид человека, станула на задных ногах и с рыком ишла ку нему. Опасность была велика, бо дідуч не мал при собі стрільбы.

В том страху пригадаł собі дідич, же медведі боят ся огня. Вынал чим скорше **файку** и засвітил сірник. Заблизмало слабе світло и медвидиха станула, але не уступала. Дідич курил сильно **файку**, штобы огонь ярил ся. **Дым** **файки** не смаковал видно медведят, бо скоро поутікали, а за нима побіжала и стара медведиха.

Зима и літо разом. В Румунии зачала ся нова зима со снігами и морозами, але в том самом часі в румунской місцевости Бальчик над Чорным Морем єст тепло, як в літі.

Луку покрыли ся весняным квітем, а недавно над Бальчиком перешла буря с громами и блискавками, котра тревала 20 минут.

8 годин сидил на дереві. В Семиграді напало 9 волков на пастуха Добричу. Пастухови посчастлило ся вылізти на дерево, до котрого привязал ся ремнем и на дереві сидил он 8 годин. Аж переїзджаючи дорогим хлопы отогнали волки и освободили его с дерева.

Также недалеко Ясс напали волки на переходячого дорогим судию. Судия долго отстрашал волки стрілами с револьвера, аж на его крик набіжали люди и прогнали волки.

62 цыганов струли ся спиртом. В одном селі на Словакии цыгане зробили собі гостину и пили роблений доми спирт. Таким спиртом затруло ся 62 цыганов. Пятох цыганов уж померло, а 15-ох боре ся со смертю.

Серед померших находит ся 11-літний хлопец.

Двомісячны курсы

для

регентов сельских хоров

уряджат **Филия О-ва** им. М. Качковского в **Сяноці**.

На курсы будут приняты всі кандидаты, маючи добрый слух и голос.

Курсы буде провадити г-н. **Александр Ропицкий**.

Оплата за цілый (двомісячный) курс виносит 25 зл., платных при вписах.

Курсанты достають бесплатно помещене, опал, світло, учебны приборы, — остають ся однако на власном викті. Курсанты должны мати свою постель.

Курсы начинают ся 20-го лютого о год. 10 рано в салі „Народного Дома“ в **Сяноці**.

Конец курсов дня 8. квітня.

Зголошения на курс належит высылати на руки секрет. **Филии О-ва** **Александра Ропицкого** (Санок ул. Крулевска Нр. 3).

П Р А В Л Е Н Ё.

Молодой хлопец, руснак, гр. кат., літ 19 глядат службы на рок 1939. Знає всі работы звязаны с сельским господарством — домовы, полевые, при конях и т. д.

Писати: poczta Hoczew k/Leska

Михаил Майор, чит. им. Качковского.

Продам цілу добре загосподаровану пасіку в **Крыниці-Селі**, або поодыноки ули

Голосити ся: **Мгр. Яновицка**

Крыница 2.

Комунальна Каса Ощадности Повіта Краковского в Кракові

Рок основаня 1882.

ЦЕНТРАЛЯ КРАКОВ, УЛ. ПИЯРСКА 1.
тел. 115-97, 131-73, 101-03.

О т д і л е н я : К Р Ы Н И Ц А, тел. 112.
В Е Л И Ч К А, тел. 6.

Всі порученя входячи в область банковости.

ПОРУЧЕНЯ ДЕВИЗОВЫ
ПОРУЧЕНЯ БИРЖОВЫ
СХОВОК АВТОМАТ.

СУМА ВКЛАДОВ ПОНАД 35.000.000 ЗЛ.
МАЄТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.